

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Ioachimi Langii colloquia Latina

Lange, Johann Joachim

Halaes Saxonum, 1786

Decvria nona de coena. Christianvs et polycarpvs

[urn:nbn:de:bsz:31-264123](#)

guam? N. Maledicam, qua conuiciatus est fratrem suum. A. Quomodo? N. Vocavit eum asinum et hominem nequam: reliqua conuicia taceo. A. Fortasse par pari retulit, maledictis lacesitus a fratre. N. Minime: frater eius neminem solet incessere probris; neque si illum incessisset, id ipsum excusaret. Nam maledictis et malefactis par pari referre, christiana lege vetitum est.

**DECVRIA NONA
 DE
 C O E N A.
 CHRISTIANVS et POLYCARPVUS.**

COLLOQVIVM

I de instruenda mensa.

C. Sterne mensam, Polycarpe, eamque rebus necessariis instrue. P. Iam factum est: sed mappulæ manuales sunt immundæ: nec satis conueniunt recenti seu mundiori mappæ, quam mihi mater suppeditauit e cista. C. Hæc cura esto matris: modo mundi sint cibes, nec negligatur appositiō panis, salini ac poculorum. P. Omnia parata sunt. C. Cura, vt apponantur cibi. P. Ecce iam affert famulus fercula. C. Mallem ipse esse dapifer.

II de ciborum varietate.

C. Qualis est hic cibus? videtur esse crudus. P. Erras, est coctus, seu elixus. C. Ego mallem assum edere. P. Quidni et frixum? scilicet

D 4

cet pro palato tuo delicato, quod vel sola pulte contentum esse debebat. C. Nec tantum mihi est fastidium cibi vilioris, quantum mihi tribuis: non recuso tamen carnem grati succi ac saporis, in primis recentem ac iurulentam. P. Cur non etiam fumo indurata, aut muria conditam? C. Quia concoctu est difficilior, et param habet nutrimenti.

III de siti ac potu.

C. Fauces meæ iam arent siti. P. Igitur eas riga. C. Nemo est, qui mihi potum ministret. P. Esto tibi ipse minister. C. Neque adest cereuisia, nisi admodum tenuis, seu secundaria. P. Talis potus conuenit pueris, et litterarum studiis: nam cerebrum hand tentat aut turbat. C. Sed acefecit. P. Mentiris: est defecata, bonaæ notæ, ac grati saporis. C. Ergo bibam cereuiasm, tanopere laudatam. P. Ita vero, ne poculum sine respiratione exhaustias. Desine, desine, Christiane, ut circumagatur seu obambulet poculum, et nobis quoque nostra portio supersit. C. En! capeffe.

IV de fame et edacitate.

C. Cur tam auide voras, Polycarpe? P. Vehementer esurio: *fames* vero *optimum* est *condimentum*. C. Si esuris, ede: nec vorâ distentis buccis, ita, ut plenos ac dentibus non comminutos bolos deglutias, et quidem seposito pane, nec tantum cibi in os ingere. P. Sed sapit egregie. C. Ergo seda saporem paullatim; nec te obrue nimia ingurgitatione cibi. P. Morem tibi geram. C. Vide, quam foede te inquinaueris, cibis ex ore defluentibus. P. Abstergam me

me mappula. C. *Gestus edendi mundus esto atque modestus.*

V de sale.

C. Porridge salinum, Polycarpe: nam hic cibus insulsus est, seu caret sale. P. Mihi quidem videtur esse præsulsus, seu nimium habere salis. C. Certe subsulsus est, seu aliquantulum habet salis. P. Edamus, desinentes disputare de sale: ne quis vtrumque nostrum iure vocet insulsum; hoc est, sapientia sale haud conditum.

VI de ouis.

C. Quænam gallina peperit hæc oua? P. Nostra. C. Illane, quam heri vidimus ouis incubantem? P. Alia est: illi vero oua ideo supposita sunt, ut inde pullos excludat. C. Hoc videre gestio. P. Videbis: sed nunc vide, ne, fracta testa, diffiniat oui albumen cum vitello, C. Tu vero disce, quid significet proverbiu[m] *mali corui, malum ouum.* P. Eius sensum tibi explicabo, si mihi exposueris aliud de ouo proverbiu[m], nempe: *ab ouo usque ad mala.* C. Hoc est, a cœnæ principio vsque ad fine[m]: nam apud veteres oua incipiebant cœnam, poma cladebant. P. Certe non ouum ouo est similius, quam tu bono interpreti, qui ne quidem eges prioris adagii explicatione.

VII de aduentu communæ.

P. Accede Christiane: nondum enim te absente omnia sunt peresa. C. Ago gratias pro invitatione vestra: famæ me non extimulat,

D 5

P. Ni-

P. Nihilominus adiunge te nobis conuiuam, et
ede, quantum libet. C. Saluete, fautores et
amici! bene sit vobis coenantibus! P. Et tibi,
nobiscum coenaturo! occupa hanc sellam, aut
istam, vbi tibi erit sedes commodior. C. Gra-
tulor mihi de vestra societate et amicitia. P. Et
tu nobis es gratus, sed longe eris gravior, si ex-
pedito cultro ipse manum admouebis patinæ.
C. Facio, quod imperatis. P. Non impera-
mus, sed rogamus amicum amice.

VIII de cancris.

C. Restant cancri, Polycarpe. P. Sed hi ti-
bi non sunt destinati. C. Ex parte tamen. P.
Credo equidem, si sciueris proverbia quædam
de cancris. C. In morem octipedis procedunt
omnia cancri. P. Video, te esse doctum, imo
doctiorem Sempronio. C. Certe cancrum lepo-
ri comparas. P. Imo tu doctissimus es. C.
Quid iocaris? et cur Sempronium vocas lepo-
rem, me autem cancrum? P. Absit ista inter-
pretatio, a re ipsa et a mente mea aliena. C.
Sed edamus! nam loquentibus nobis dati sunt
cancri. P. Aut potius cancelli.

*IX de philosophica temporum
interpretatione.*

C. Quid didicisti hodie in schola, Polycarpe?
P. Quid hoc ad coenam (*pertinet*)? C. Per-
multum. Omnis enim cœna condienda est alii-
qua lectionum repetitione. P. Didici ex con-
ingatione prima *præsens*, *imperfectum*, *perfe-
ctum*, *plusquamperfectum* et *futurum*. C. Vi-
deris mihi simul philosophari, Polycarpe. P.
Ego-

Egōne? vix credo. C. Sin minus, me audi philosophantem. P. En! ausculo arrestis auribus attentaque mente. C. Omne *præsens* in hac vita est *imperfictum*, nonne? P. Nondum satis percipio mentem tuam: sed perge philosophari. C. Omne *perfectum* et *plusquamperfectum* est futurum, scilicet in vita æterna. P. Nunc te intelligo, philosophhe. C. Quæ cum ita sint, *præsentibus*, quæ *imperfecta* sunt, ita vtamur, vt frui possimus *perfectis* et *plusquamperfectis*, certo futuris.

X de mensa secunda seu bellariis.

P. Surgamus, Christiane, et adstemos mensæ, mox cibos seposituri. C. Exspecta parumper, mi Polycarpe. Nam video in proximo conclave instrui patinam vuls, pomis et nucibus. P. Sed non pro nobis. C. Quidni? noui animum matris, quæ nobis raro aliquid negare solet. P. Ergo roga illam demisse. C. Exspectandum erit adhuc paullisper, donec appositum fuerit egregium illud ferculum.

DE-